

INUIT  
PISINNAATITAAFFIINUT  
INSTITUTI



Inuit Pisinnaatitaaffiit Kalaallit Nunaata Siunnersuisoqatigiivi  
Grønlands Råd for Menneskerettigheder

## MEQQAT INUUSUTTULLU

KALAALLIT NUNAANNI  
KILLIFFIK 2019

Inuit pisinnaatitaaffii inunnut tamanut atuupput, taamaalillutillu aamma meeqqanut tamanut. Nunanili namminerni eqqartuussiveqarneq inatsisinilu malittarisassat inersimasunut qangalili naleqqussagaasarpur. Meeqqat inuttut illersorneqartussatut isigineqartarnikuupput, assersuutigalugu ilaqutariit pisinnaatitaaffii pillugit inatsisini, angajoqqaatut akisussaataasut pillugit inatsisini inunnillu isumaginninnermi inatsisini. Kisiannili FN-imi Meeqqat Pisinnaatitaaffii pillugit Isumaqaatigiissutip 1989-imeersup akuerineqarnerata kingorna meeqqat immikkut pisinnaatitaaffeqarnerisa akuerineqarnera nalinginnaanerulernikuuvoq.

Una killiffimmik nalunaarusiaq Kalaallit Nunaanni 2017-2018-imi meeqqat pillugit inuit pisinnaatitaaffiinik ineriartorneranillu takussutissiaavoq. Nalunaarusiami sammisat pingasut erseqqissarneqarput Kalaallit Nunaanni inuit pisinnaatitaaffiisa illersorneqarnissaanut pitsanngorsaataasussanik innersuussutit.



UANI PAASISAQARNERUGIT  
[HUMANRIGHTS.GL](https://humanrights.gl)  
[MENNESKERET.DK/KILLIFFIK](https://menneskeret.dk/killiffik)



## NALUNAARUSIAP SAMMISAI PINGASUT

### SUMIGINNAASARNEQ, NAKUUSERTARNEQ ATORNERLUINERLU

Politikkikkut nakkutiginnittoqaraluartoq ajornartorsiutinillu nassuerutiginnittoqaraluartoq, oqartussat akisussaasut meeqqanik sumiginnaasarneq, nakuusertarneq innarliisarnerlu pinngitsoortinniarlugit meeqqanik inuusuttunillu pisariaqartumik tapersiisoqarnissaanut illersuisoqarnissaanullu tunngatillugu sulii annertuunik unammilligassaqqartoqarpoq.

### MEEQQAT INUUSUTTULLU INISSINNEQARNIKUT

Missingerneqarpoq meeqqat inuusuttullu 4,2 procentii 2014-imi inissinneqarnikuusut. Sanilliussinertut Danmarkimi meeqqat inuusuttullu angerlarsimaffiup avataani 2016-imi inissinneqarnikut 1 procentit missaaniipput.

### MEEQQAT INUUSUTTULLU INATSIINIK UNIOQQUTITSISUT

Kalaallit Nunaanni inuusuttut pinerluttartut ukiuni kingullerni ikiliartornikuupput.

## NALUNAARUSIAP INNERSUUSSUTAI PINGAARNERPAAT

Inuit Pisinnaatitaaffiitut Instituttip aamma Kalaallit Nunaanni Inuit Pisinnaatitaaffii pillugit Siunnersuisoqatigiit nalunaarusiami sammineqartuni pingasuni tamani ataatsimut isigalugu inassuteqaatigaat oqartussat akisussaasut naatsorsueqqissaarinernik amerlanernik katersuissasut avammullu saqqummiussissasut. Pissutsinik ineriartormillu aqqissuussamik ilisimasat puijuartussanik allanngunissanut pingaaruteqarput.

Tamassuma saniatigut ilaatigut inassuteqaatigaagut

- Isumaginninnermut Inatsisinillu Atuutsitsinnermut Naalakkersuisoqarfiup kommunit suleqatigalugit ilaqutariit navianartumiittut taperserniarlugit aamma meeqqat inuusuttullu sumiginnagaanermut, nakuusernermut kinguaassiuutitigullu atonerlugaanermut illersorniarlugit ataatsimut sunniuteqartumillu suliniuteqarnermi periusissiat iliuusissatullu pilersaarutit atuutilersinneqarnissaat siunertaralugu oqartussat assigiinngitsut akornanni ataqatigiissaarinissaq qulakkiissagaa.
- Meeqqanut tapersiisarneq pillugu inatsimmi suliniuteqareernermi malitseqartitsisarneq pillugu malittarisassat kommunit qulakkiissagaat, kommunit taamaalillutik meeraq angerlarsimaffiup avataani inissinneqarnikoq 18-inik ukioqalersinnagu siusissukkut isumaliutigissallugu meeraq 18-inik ukioqalernerata kingorna tapersiissutinik neqeroorfigineqartariaqarnersoq.
- Kalaallit Nunaanni Pinerluttunik Isumaginnittoqarfiup kommunit suleqatigalugit inuusuttut pillaatip naammassereernerata kingorna inuiaqatigiinni peqataallutik inuunissaat pinerloqqinnginnissaallu siunertaralugu inuusuttunut isertinneqarnikunut tunngatillugu ilinniagaqarnikkut, suliffeqarfeqarnikkut, atonerluinermik katsorsarneqarnikkut il.il. isumaginninnermi suliniutit ingerlaavartumik ataqatigiissartassagai.
- Kalaallit Nunaanni Namminersorlutik Oqartussat Danmarki oqaloqatigalugu naalagaaffiup immikkoortuanut Kalaallit Nunaannut atuutitsinnginneq atorunnaarsissagaat, taamaaliluni inuit ataasiakkaat nammagittaalluiteqarsinnaanerit pillugu FN-imi Meeqqat pillugit Isumaqatigiisummut ilassut Kalaallit Nunaanni atuutilersinneqassalluni.

